

একটুকুণ বোকোর মতো দাঁড়িয়ে রইল মধুময়। লক্ষ মানুষের ভিড়েও সম্পূর্ণ একা হয়ে, যেমন
সে থাকে সবসময়। তারপর আপন মনে হাসল একটু, যেমনটি সে হাসে।
সে এখন মোটেই বাসে উঠবে না। লক্ষে গঙ্গা পেরিয়ে চলে যাবে বাবুঘাট, তারপর
হাঁটবে...হাঁটবে...হাঁটবে। সবুজ মাড়িয়ে।

তার মখেই শুধু এক ফালি সমুদ্র রয়ে গেছে এখনও।



ভাল মেয়ে, খারাপ মেয়ে

কোর্টে বেরোনোর আগে যথারীতি হাঁকডাক শুরু করেছে সমীরণ, উর্মি...উর্মি...! প্রথম ডাকেই সাজা দিল উর্মি, আসছিই। এক মিনিট।

—এক মিনিট নয়। এফুনি এসো। আমার দেরি হয়ে যাচ্ছে।

উর্মি আবেকটু গলা চড়ল, যাচ্ছি রে বাবা, যাচ্ছি।

উর্মি জানে সমীরণের এ সময়ে ভীষণ তাড়া। তাড়া মানে একেবারে ধুমধাড়া। ঘুম ভাঙার পর থেকেই ছুটেছে সমীরণ। ঘোড়ায় জিন দিয়ে। কোনওরকমে সকালে এক কাপ চা খেয়েই বাথরুম। বেরিয়েই সোজা নীচে, নিজের চেয়ারে। রোজকার কেসের ব্রিফগুলো উলটেপালটে দেখে নেয় সকালে। বইপত্র ঘাঁটে। পেপারস্ গুছোয়। দ্বিতীয় দফার চা, তৃতীয় দফার চা, খবরের কাগজ, সিগারেটের প্যাকেট সবই একতলার ঘরে পৌঁছে দিয়ে আসে মণ্টু। অথবা শিবুর মা। অথবা ধনঞ্জয়। ব্রিফ দেখতে দেখতেই সমীরণ খবরের কাগজে চোখ বোলায়।

টাইপিষ্টিকে ডিকটেশান দিতে দিতে চুমুক দেয় চায়ের। দু-একটা মক্কেলও আসে সকালে, তাদের সঙ্গে টুকটাক কথা সারে। ওপরে ওঠে কাঁটায় কাঁটায় নটায়। এসেই হল্লাগল্লা। উর্মি, আমার শেভিং ক্রিম কোথায় গেল ...উর্মি, তাড়াতাড়ি টাওয়েলটা দিয়ে যাও না ... আমার শার্টটায় একটু ইন্ড্রি চালিয়ে দাও তো দেখি! জলদি!...এ কি, আমার জুতো পালিশ করিয়ে রাখোনি আজ!... উর্মি, উর্মি, উর্মি। উর্মি যদি একবার ডান দিকে ছোটে, তো একবার বাঁ দিকে। কখনও রান্নাঘরে, তো কখনও বেডরুমে। কখনও ছেলের ঘরে, কখনও খাবার টেবিলে। নিশ্বাস বেঁধে নিয়ে উর্মির শুধু ছোট্ট আর ছোট্ট। পান থেকে চুন খসলে ধুঙ্কুমার বাধিয়ে দেবে সমীরণ। হাতের কাছে সবকিছু গোছানো না পেলে চিল-চিংকার জুড়বে এ সময়ে।

স্বভাব।

সুতো পরানো সুচটা ছেলের খাটের ওপরেই ছুড়ে ফেলে দৌড়ে এল উর্মি, বাবা রে বাবা। হলটা কী?

—আমার রুমাল কোথায়?

—একদিন তুমি রুমালটাও বার করে নিতে পারো না!

—তুমি কী করছ? এত বার করে ডাকছি!

ছেলের জামায় বোতাম বসাতে গিয়ে তাড়াহুড়োয় আঙুলের ডগায় সুচ ফুটে গিয়েছিল উর্মির। এক বিন্দু রক্ত টলটল করছে সেখানে। রক্তটা চুষে নিল উর্মি। কৈফিয়তের সুরে বলল, দ্যাখো না টুবলুর কাণ্ডটা! কাল স্কুল থেকে শার্টের সব কটা বোতাম ছিড়ে এনেছে। যত বলছি অন্য শার্ট পর তা নয়, ওটাই পরতে হবে। এফুনি লাগিয়ে দিতে হবে বোতাম।

—ভিসগাস্টিং! পলকে সমীরণের মেজাজ তিরিষ্কি আরও, তুমিও বা কী! সাতটা নয়, পাঁচটা নয়, একটাই তো ছেলে। তার সব ঠিকঠাক আছে কি না আগে থেকে দেখে রাখতে পারো না? কখাটা বিধল উর্মিকে। হল ফোটার মতো। তার বলতে ইচ্ছে হল, তোমার ছেলে যদি স্কুল থেকে ফিরে জামাকাপড় নিজের ওয়ান্ড্রোবে পুরে রেখে দেয়, আমি দেখবটা কী করে! ওইফুনি দশ বছরের ছেলে এখন থেকে কী সচেতন নিজেরটা সম্পর্কে! বেমালুম বলে দেয়, আমার কেমনও জিনিস তুমি ঘাঁটখাটি কোরো না তো মা!

কিন্তু এত কথা বলার এখন সময় কোথায়? সমীরণেরও কি শোনার সময় আছে? তা ছাড়া কথা বাড়ালেই তর্ক বাড়ে। সমীরণের এখন মাথা গরম, হয়তো দুমদাম আরও কিছু বলে দেবে। কাজের লোকদের সামনেই। রেগে গেলে কোথায় কখন কী বলছে ঝঁশ থাকে না সমীরণের।

বেডরুমেও আলমারি থেকে সমীরণকে রুমাল এনে দিল উর্মি, আজ এই ষ্ট্রাইপড শার্টটা পরলে যে

বড়! এটা পরে তো তুমি কোর্টে যাও না!

প্যাসেজে, বেতের চেয়ারে বসে জুতো পরছে সমীরণ। গম্ভীর মুখে বলল, সন্ধ্যাবেলা একটা পাটি আছে।

—কোথায়?

—আছে একটা। আমার এক ক্লায়েন্ট দিচ্ছে। উদাসীন উত্তর পলকা ছুড়ে দিয়ে সিঁড়ির দিকে এগোচ্ছে সমীরণ। এক ধাপ নেমে ঘুরে দাঁড়াল, ওহোহ! কাজের কথাটাই বলতেই ভুলে যাচ্ছিলাম।

—কী?

—সন্ধ্যাবেলা কোনও ক্লায়েন্ট এলে রোববার আসতে বলে দিও।

—রবিবার চেয়ারে বসবে? তুমি না বলেছিলে এই রোববার আমরা একটা শর্ট ড্রাইভে বেরোব? সমীরণের মুখে এক চিলতে হাসি দেখা গেল এতক্ষণে, বলেছিলাম বুরি? দেখছই তো হল না। মে বি সাম আদার টাইম। মে বি লেফট সানডে। আর হ্যাঁ, এক মহিলাও আসতে পারে। এলে বোলো কাল আমার সঙ্গে কোর্টে দেখা করতে। দুপুরবেলা। অ্যারাইভ্ড টু।

উর্র্মির ব্যস্তসমস্ত স্বামী এবার সত্যিই নেমে গেছে। তার গাড়ির শব্দ মিলিয়ে যেতে না যেতেই টুবলুর স্থলবাস হর্ন দিচ্ছে বাইরে। সিঁড়ি দিয়ে লাফিয়ে লাফিয়ে নামছে টুবলু। চেষ্টাচ্ছে, মা, আজ আমার ক্রিকেট মাচা। আইন বি লিটল বিট লেট টুডে।

সিঁড়ির রেলিং ধরে ঝুকল উর্র্মি, লেট মানে? তুই ফার্স্ট ট্রিপে ফিরবি না?

—নাআআ। সেকেন্ড ট্রিপ।

উর্র্মি ছুটে বালকনিতে চলে এল। ছেলের বাসে ওঠা দেখবে। যতক্ষণ না বাস মোড় ঘুরে যায়, বারান্দাতে দাঁড়িয়ে থাকে উর্র্মি।

অভ্যেস। টুবলু যখন আরও ছোট ছিল, উর্র্মি নীচে গিয়ে বাসে তুলে দিয়ে আসত হেলোকে। বাস চোখের আড়াল না হওয়া পর্যন্ত টুবলু হাত নাড়ত তাকে। টাটা মা। টাটা। আজকাল টুবলু আর ফিরেও তাকায় না। বড় হয়ে যাচ্ছে ছেলে। নিজের মতো করে ডালপালা মেলতে শুরু করেছে। মাকে আর তার তেমন প্রয়োজনই হয় না।

আকাশ আজ অসম্ভব রকমের উজ্জ্বল। গাট নীল মহাশূন্যে, উর্র্মির থেকে অনেক অনেক উঁচুতে, একটা চিল একা একা পাক খেয়ে চলেছে। এত উঁচু দিয়ে উডছে চিলটা যে এখন থেকে তাকে একটা কালো বিন্দুর মতো মনে হয়। মাঝে মাঝে বিন্দুটা স্থির। স্থির বিন্দু হঠাৎই নেমে আসছে নীচে, বাতাসে ভাসছে নিজের খুশি মতো। আবার ইচ্ছে হলে নিখর।

অন্যমনস্ক চোখে উর্র্মি অনেকক্ষণ তাকিয়ে থাকিয়ে দেখল চিলটাকে। এবার পাখিটা সরে যাচ্ছে আকাশের পশ্চিম প্রান্তে। ও পাশের বিশাল বহুতল বাড়িটার কাছে এসে দুলল ক্ষণিকের জন্য। তারপর চোখের আড়াল হয়ে গেল।

উর্র্মিও ফিরল।

বড়সড় ডাইনিং কাম ড্রয়িং হল ঘিরে শোওয়ার ঘর, ছেলের ঘর, গেস্টরুম, কিচেন, বাথরুম, স্টাডি। ঘোরানো সিঁড়ি ধরে নেমে গেলে নীচে গ্যারাজ, কাজের লোকদের থাকার ঘর আর সমীরণের প্রকাণ্ড চেম্বার। মাত্র আড়াই কাঠা জমির ওপর ছিমছাম, শৌখিন বাংলা ধাঁচের বাড়ি। নিজের এই বাড়ি দেখে মাঝে মাঝে কেমন যেন বিষ্ময় জাগে উর্র্মির। এত সুখ, এত সম্পদ শুধুই তার!

তারই তো। সমীরণ জাদুদণ্ড ঘুরিয়ে একটার পর একটা বৈভব কিনে দিচ্ছে উর্র্মিকে। উঠিয়ে দিচ্ছে ওপরে। অনেক ওপরে। ওই চিলটার মতো। নিজেও উঠছে। স্পুটনিকের মতো। ওপরে। আরও ওপরে। এই বুঝি মাধ্যাকর্ষণ ছাড়িয়ে গেল! হাইকোর্টের দুঁদে ব্যারিস্টার সুধাংশু গুপ্তর এককালের জুনিয়ার সমীরণ সেন নিজেই এখন আদালতে তাকে চার পাশে চার জুনিয়ার নিয়ে। চল্লিশ পেরোতে না পেরোতেই সে সাফল্যের মধ্যগগনে। বছর পাঁচেক আগে বিশিষ্ট এক ব্যবসায়ীকে খুনের মামলা থেকে বার করে এনেছিল সমীরণ, তারই নজরানা সল্টলেকের এই আড়াই কাঠা জমি। বাড়ি খরশা সমীরণ নিজেই বানিয়েছে। মানের মতো করে। গাড়িও নতুন কেনাও ইচ্ছে ছিল। ইনকাম ট্যাক্সের পুট ঋামেলার জন্য। ঝুঁকি নেয়নি। জলের দরে পুঙ্গো এক ফিফটি কিনে যন্ত্রপাতি সব পালাটে আমদানি করে

নিয়েছে চেহারা।

উর্র্মি লম্বা সোফাটায় বসে গা ছড়িয়ে দিল। রোজই দেয়। সকালবেলাকার ওই উদ্দাম ব্যস্ততা কাটার পর ঝুপ করে অপার শান্তি এখন। অখণ্ড অবসর। কী করবে এখন? ভি সি আর-এ একটা ক্যাসেট চালিয়ে দেখবে বসে বসে? শিবুর মাকে রান্নায় একটু সাহায্য করবে গিয়ে? ফিল্ম ম্যাগাজিন উলটাবে? বিউটি পাল্লার থেকেও একবার ঘুরে এলে হয়। দু সপ্তাহ হয়ে গেল ফেসিয়াল করা হয়নি। থাক, তার চেয়ে বরং টেলিফোনে দিদির সঙ্গে একটু গল্প করা যাক।

ভাবতে ভাবতে উর্র্মি খবরের কাগজটা খুলল একবার। আনন্দনাভাবে পাতা ওলটাচ্ছে। আইন আদালতের পাতায় এসে চোখ আটকে গেল। বিখ্যাত বার সিংগার মিস রিয়ার কেস হাইকোর্টে!

উর্র্মি সোজা হয়ে বসল। মিস রিয়ার মানে সেই মেয়েটা। কোন বাবে যেন গান গাইত। গাড়িতে লিফট দেওয়ার নাম করে দুটো ছেলে ধর্ষণ করেছিল মেয়েটাকে। বছর দুয়েক আগে। লোয়ার কোর্টে বেকসুর খালাস পেয়েছে আসামিরা। মামলাটা নিয়ে খুব হইচই হয়েছিল এক সময়ে।

খবরটা ভাসা ভাসা পড়ে উর্র্মি পরের পাতায় চলে এল। সেখানে থেকে তার পরের পাতায়। বিশাল জায়গা জুড়ে এক বিজ্ঞাপন। নতুন একটা ক্রিম বেরিয়েছে বাজারে। হার্বাল। ভারতীয় জড়িবৃষ্টির সঙ্গে রহস্যময় চিনা শিকড়বাকড় দিয়ে তৈরি। মাথলে ত্বক আরও উজ্জ্বল হয়, যৌবনে ভাটা পড়ে না।

নিজের দু হাতে আলগা হাত বোলাল উর্র্মি। মাত্র পঁয়ত্রিশেই চামড়ায় কেমন খসখসে ভাব। কিনে দেখবে নাকি ক্রিমটা। কাগজ রেখে টেলিফোন করল উর্র্মি। টেলিফোন রেখে টিভি চালাল। শিবুর মাকে আর্ডার দিয়ে কফি খেল এক কাপ। গড়িয়ে গড়িয়ে পার করছে সময়।

কে বলে সুখের সময় ছ হ করে কেটে যায়। সময় এখন স্থির। মহাশূন্যের ওই চিলটার মতো।

দুই

অবেলায় ঘুমিয়ে পড়েছিল উর্র্মি। বিকেলের দিকে। দুপুরে মার্কেটিং-এ বেরিয়েছিল একটু। টুকটাক কয়েকটা কেনাকাটা ছিল। কুশন কভার। কিছু মরশুমি ফুলের বীজ, চারা। পরশু দিদির মেয়ের এইলিন্থ বার্থডে, তার জন্য একটা দামি উপহার।

নতুন এক সেট পরদার কাপড়। কার্তিক মাস ফুরিয়ে এল, এখনও বাতাসে তেমন হিমের ছোঁয়া নেই। বাঁকাঁ রোদ্দুরে পুড়ছিল দুপুরটা। ফিরেই বেডরুমের যাত্রিক ঠাণ্ডায় জড়িয়ে এসেছিল উর্র্মির দু চোখ।

ঘুম ভাঙল মর্টুর ডাকে, মামি, ও মামি...

উর্র্মি চোখ রগড়াল, উ?

—কারা যেন এসেছে আমার কাছে। চেম্বারে বসা?

—খনঞ্জয় কোর্ট থেকে ফেরেনি।

—না।

—সেইখবার আসতে বলে দে। ভোর মামা আজ বসবে না। কথাটা বলেই উর্র্মি সচকিত হল। নানা ধরনের ক্লায়েন্ট আছে সমীরণের। অনেক প্রভাবশালী লোকও আসে মাঝে মাঝে। কাজের লোকদের দিয়ে তাদের খবর পাঠানো পছন্দ করে না সমীরণ।

গমনোদ্যত মর্টুকে পিছু ডাকল উর্র্মি, থাক, তোকে কিছু বলতে হবে না। আমি যাচ্ছি। তুই আমার জন্য চায়ের জল বসা। শাড়ির আঁচল গোছগাছ করে চুলে হালকা চিরুনি বুলিয়ে নিল উর্র্মি।

নীচে নেমে আগন্তুকদের দেখে বিস্মিত হল সামান্য। একটি মেয়ে শুকনোমুখে জড়োসড়ো হয়ে সদরে দাঁড়িয়ে। বয়স বড় জোর বছর তিরিশ। তেমন একটা সুন্দরী নয়, তবে আলগা চটক আছে চেহারা। পরনে বাঁধনি খ্রিষ্টের সবুজসাদা সালোয়ার কামিজ, সাদা দোপাট্টা। চড়া মেকআপেও চোখের নীচের কাঁপি টাকা পড়েনি।

সঙ্গে এক মাঝবয়সি বুড়েটে মানুষ। টিউটিউ শরীর। জামাকাপড় যথেষ্ট অসোছালো। কেমন ডির্বারি ডির্বারি।

ঠিক এই স্তরের মক্কেল তো বড় একটা আসে না সমীরণের কাছে! মেয়েটিই কথা বলল প্রথমে, সমীরণবাবু আজকে আমাদের আসতে বলেছিলেন। এই তরে সেই মহিলা! উর্মির বিষয় বাড়ছিল। সমীরণ তো ফৌজদারি মামলা করে, এদের আবার কী কেস!

মেয়েটার স্বর বেশ রিনরিনে। কথা বললেই যেন যুধু প্রতিধ্বনি ওঠে বাতাসে। কৌতূহল চেপে উর্মি হাসি ফোটাল মুখে, কিন্তু ওঁর তো আজ ফিরতে পেরি হবে। উনি আপনাদের কাল দুপুর দুটোয় হাইকোর্টে দেখা করতে বলেছেন।

—ও। মেয়েটার স্বরে হতাশা ফুটে উঠল। পিছন ঘুরে একবার দেখল সঙ্গীকে। আবার ফিরেছে। ক্লাস্ত স্বরে বলল, আমাকে এক গ্লাস জল খাওয়াতে পারেন?

এর পর আর দরজায় দাঁড় করিয়ে রাখা অভদ্রতা হয়ে যায়। উর্মি দরজা ছেড়ে দাঁড়াল, আসুন। ভেতরে এসে বসুন।

দরজার পরে ছোট প্যাসেজ। তার গায়েই প্রকাণ্ড হলধর। সমীরণের চেম্বার। আগে শুধু হাইকোর্ট পাড়াতেই বসত সমীরণ। ছোট ছোট পায়রার খুপির মতো বৃথুরিতে। নতুন বাড়িতে ঢুকেই মন ভরে বিশাল চেম্বার সাজিয়েছে। চতুর্দিকে উঁচু উঁচু কাচের আলমারি। যে দিকে তাকাও শুধু মোটা মোটা বই আর আইনের জার্নাল। মাঝে ইয়া এক সেক্রেটারিয়েট টেবিল। নিজের জন্য পুরু গদিঅলা রাজকীয় চেয়ার। নিলামঘর থেকে কেনা। উর্মি ঠাট্টা করে বলে সিংহাসন।

বন্ধ ঘরে চাপা ভ্যাপসা গন্ধ হুমছম করছে। উর্মি একটা জানলা খুলে দিল। একটু আগেও বাইরে একটা বিকেল ছিল, এখন গাঢ় আঁধার। বাতাস ঠাণ্ডা হয়েছে সামান্য। ঘরে ঢুকে মেয়েটা দাঁড়িয়ে পড়েছে আড়ম্বলবে। এ দিক ও দিক দেখছে।

ভেতর থেকে নিজেই জন নিয়ে এল উর্মি। প্রবল তৃষ্ণার মতো এক চুমুকে গ্লাস শেষ করল মেয়েটা।

জল খাওয়ার ভঙ্গিটি দেখে ভারী মায়া হচ্ছিল উর্মির। নরম স্বরে বলল, আর সেব? মেয়েটা হাসল, না না, ঠিক আছে। আধবুতো লোকটা বসে পড়েছে চেয়ারে। হাঁপাচ্ছে অল্প অল্প। উর্মি জিজ্ঞাসা করল, আপনি জল খাবেন?

—নো। থ্যাঙ্কস। পকেট থেকে সিগারেটের প্যাকেট বার করেও কী ভেবে রেখে দিল লোকটা, সমীরণবাবুর কি আসতে খুব দেরি হবে? আমাদের তেমন কোনও কাজ নেই, আমরা অপেক্ষা করতে পারি।

—উনি কিন্তু বলে গেছেন অনেক রাত হবে।
—হঁ। লোকটার মুখ চকিতে অপ্রসন্ন। উর্মির উপস্থিতি অগ্রাহ্য করেই মেয়েটাকে বলল, এখন ট্রেল বোঝ। কাল সেই কোর্টে ছুটতে হবে।
মেয়েটা চিন্তিত মুখে মাথা নাড়ল, অগত্যা।

—এখন তো বলছ, কিন্তু কোর্টে গিয়ে তো কাল গজগজ করবে। আমাকে এ দেখছে। আমাকে ও দেখছে! ওই লোকটা আমাকে টিপ্পনী কাটল...!

মেয়েটাও পলকে উর্মির উপস্থিতি ভুলেছে। আড়ম্বলবে কাঁধিয়ে উঠল হঠাৎ... কী করা যাবে? স্যার যখন যেতে বলেছেন যেতেই হবে।
লোকটা দু হাতে হাঁটু চেপে উঠে দাঁড়াল, আমার কী। তোমার কেস, তুমিই বোঝো। আমাকে আর এ ব্যাপারে জড়াবে না।

—উহুহু, কত যেন জড়িয়েছ তুমি!
—সে তো এখন বলবেই। বেইমান।
—বেইমান কে? আমি, না তুমি? ভাটি স্বাম।
—ইউ ভাটি... ফুঁসছে লোকটা। কথা বেরোচ্ছে না মুখ দিয়ে।
উর্মি হতভম্ব হয়ে যাচ্ছিল। তার সামনেই এ কী শূণ্য করেণ্ডে দুজনে! মাঝে মাঝেই দাঁড়া চোপ

ইংরিজি বলছে, অথচ দুজনেরই শিক্ষা সহবতের যথেষ্ট অভাব। লোকটা প্যান্টশার্টও পরেছে দ্যাখো! দামি, কিন্তু নোংরা চিট। বললম করছে গায়ে। ঠিক যেন ধার করা। অথবা কুড়িয়ে পাওয়া। গালে খোঁচা খোঁচা দাড়ি। চোখের কোণে চামড়ার ঠুলি। দেখেই বোঝা যায় লোকটা একটা আশু মদ্যপ। এদের কথাই কি বলে গিয়েছিল সমীরণ! নাকি এরা অন্য কেউ! ঘরে ডেকে এনে ভুল করল না তো উর্মি! খানিকটা বিরক্তির সঙ্গেই উর্মি বলে উঠল, আপনারা কি বসবেন? উনি কিন্তু ফিরবেন না।

মেয়েটার এতক্ষণে যেন হুঁশ ফিরেছে। ঘুরে তাকিয়ে বলল, না না, আমরা যাচ্ছি। আপনি দরজা বন্ধ করে দিন।

বাঁচা গেল। উর্মি গ্লাস হাতে বেরিয়ে এল প্যাসেজে। সরে দাঁড়িয়ে বেরোবার জায়গা করে দিচ্ছে দুজনকে।

দরজাতে গিয়েও দাঁড়াল মেয়েটা, আচ্ছা, কাল যদি আমরা এখানে এসে দেখা করি, তা হলে কি স্যারের অসুবিধে হবে?

—সম্ভবত হবে। উনি তো প্রায়র অ্যাপয়েন্টমেন্ট ছাড়া ক্লায়েন্ট মিট করেন না। উর্মি অনিচ্ছা সঙ্গেও জবাব দিল, আপনারা বরং কোর্টে গিয়েই...। উনি যদি বলেন তখন নয় আসবেন এখানে।
মেয়েটা সঙ্গী নিয়ে চলে গেল।

দেওলায় ফিরে হাঁপ ছেড়ে বাঁচল উর্মি। উকিল ডাক্তারদের বউ হলে কত রকম চরিত্র যে দেখা যায়! একবার একটা কী রূপবান লোক এল! চকচকে চেহারা! স্মার্ট কথাবার্তা। নিখুঁত সাহেবি অ্যাকসেন্টে ইংরেজি বলে! মেয়েটা দেখেই প্রেমে পড়ে যেতে বাধ্য। সে দিনও সমীরণ বাড়ি ছিল না, খাতির করে উর্মি বসিয়েছিল লোকটাকে। পরে অনল লোকটার বিরুদ্ধে নাকি স্মাগলিং-এর চার্জ আছে। আছে নারীহরণের অভিযোগ। ড্রাগ পেডলিং-এরও। ধরা পড়ার আগে আগাম জামিনের চেষ্টা করতে এসেছিল লোকটা। পেয়েও ছিল জামিন। সমীরণই পাইয়ে দিয়েছিল। কেস ফি ছাড়াও একটা সোনার নেকলেস উপহার দিয়েছিল উর্মির নাম করে। এখনও অবশ্য কেসটা চলছে, তবে লোকটা আর আসে না এ বাড়িতে।

আজকের মেয়েটা ডাকাত যুনি নয়তো! হতেও পারে। তা হলে ওই সঙ্গী লোকটা কে? ধুওতেরি ছাই। যত সব ফালতু ভাবনা। মনু চা রেখে গেছে। উর্মি ভাইনিং টেবিলে বসে চায়ে চুমুক দিল। সমীরণের মামলা, ভাবতে হলে সমীরণ ভাববে। উর্মি কেন?

চা শেষ করে ছেলের ঘরে একবার উঁকি দিল উর্মি। সায়েন্স সাবজেক্টের মাস্টারমশাই এসেছেন, তাঁর কাছে পড়ছে টুভলু। হেলেকে একটা কম্পিউটার কিনে দিয়েছে সমীরণ। তরুণ শিক্ষকটি টুভলুকে কম্পিউটারও শেখায়। সে আন্দাজে হেলোটা টাকা খুব বেশি নেয় না। সপ্তাহে দুদিন আসে, মাসে আটশো। রঞ্জনার হেলেকে শুধু অঙ্ক করতে পাঁচশো টাকা নেয় টিউটর। রঞ্জনার ছেলে অবশ্য টুভলুর মতো শার্প নয়। ছেলের অঙ্কে সাফ মাথা দেখে সমীরণের খুব ইচ্ছে হলে ইঞ্জিনিয়ারিং পড়ুক। ম্যানুজমেন্ট পড়লেও আপত্তি নেই। দরকার হলে সমীরণ বিদেশ পাঠিয়ে দেবে হেলেকে। আ ফোরেন ডিগ্রি ইজ মাস্ট নাই। উর্মির অবশ্য মনোগত বাসনা অন্য রকম। টাকাপয়সা তো থাকবেই, ছেলে লেখপাড়ার লাইনে থাকলেই বা মন্দ কী! উর্মির বাবার মতো যদি প্রফেসর হয় টুভলু! অথবা উর্মির মামার মতো সায়েন্টিস্ট! কথাটা শুনলেই সমীরণ এমন খেপে যায়! ভাবলে কী করে, আমার ছেলে ও সব হুঁদো ফাঁকিবাঁজির প্রফেশনে যাবে! আমি রোজগার করাছি লাখে, হি উইল আর্ন ইন মিলিয়নস।
তাই হোক। টুভলুর বাবা যখন চায়, সেও তো উর্মিরই চাওয়া।

উর্মিকে যে কনায় কনায় ভারিয়ে রেখেছে, তার চাওয়ায় কি উর্মি অমান্য করতে পারে! অলস মেজাজে ঘটখানেক টিভি দেখল উর্মি। এ সময়ে পর পর কয়েকটা টিভি সিরিয়াল হয়। কোনওটা হাসির। কোনওটা প্রেমের। কোনওটা ডিটেকটিভ। গোত্রাসে গিলল সিরিয়ালগুলো।

হঠাৎ উর্মির খেয়াল হল টুভলুর মাস্টারমশাই চলে গেছেন বহুক্ষণ। অথচ টুভলুর ঘর থেকে কোনও একম সাড়াশব্দ নেই। হল কী? ছেলের? অন্য দিন তো দুপাড়িয়ে বেরিয়ে এসে বসে যায় পরদার সামনে! আজ নিজের শ্রিয় সিরিয়ালটার সময়ও গরহাজির!

ছেপের ধরে এসে আরও নাভাস হয়ে গেল উর্মি। আগো নোপানো, নিষ্ঠানায় শুয়ে আছে টুভলু।

সমীরণ এরকমই। যখন যেটা চাই, তক্ষুনি সেটার জন্য উদ্ভাস হয়ে ওঠাই তার স্বভাব। সে রুমালই হোক, কি উর্মি।

উর্মি কপট ক্ষুণ্ণ স্বরে বলল, এমনিতে তো আমার দিকে তাকাতাই চাও না। বিছানায় পড়লে, আর অমনি ভোস ভোস নাক ডাকা শুরু হল।

—কচকচ কোরো না তো। আমার মুড নষ্ট হয়ে যাবে।
সমীরণের ভালবাসারও ছিঁরিছাঁদ নেই। রিরংসার মুহুর্তে তার জ্ঞান থাকে না। নিজের দেখে তো কাপড় চোপড় থাকবেই না, উর্মির শরীরেও কণামাত্র সূতো রাখতে দেবে না সমীরণ। শিশুর মতো আদর খেতে চাইবে। দস্যুর মতো হামলাবে। বুলো বাঘ হয়ে আঁচড়ে কামড়ে ক্ষতবিক্ষত করবে উর্মিকে।

বিশ মিনিটেই ভোগী পুরুষের বাসনা শেষ। দুঁদে ক্রিমিনাল লইয়ার শুয়ে আছে নিরাবরণ। গায়ে নাইট চড়িয়ে বাথরুম থেকে ঘুরে এল উর্মি। পাখাটা এক পরয়েট কমিয়ে দিল। রাতে এ সি বন্ধ করে দিতে হয়। রাতভর যান্ত্রিক ঠাণ্ডা সহ্য হয় না সমীরণের।

নীলচে রাতবাতি জ্বলছে। ঘর এখন ভারী মায়াময়। বেন নাইট ল্যাম্পের আলো নয়, চাঁদের কিরণ ছড়িয়ে আছে চারদিকে।

উর্মি সমীরণের শরীর খেঁষে শুল। নিচু স্বরে ডাকল, এই, ঘুমিয়ে পড়লে নাকি? সমীরণের নেশা অনেকটা কেটেছে। ঘড়ঘড়ে গলায় বলল, না। হাত বাড়িয়ে সিগারেট দেশলাইটা দাও তো।

—বিছানায় শুয়ে সিগারেট খাবে? ভাল্লাগে না।
—নাক টিপে রাখো। দাও।

আলো আঁধারে ঠুকে ঠুকে দেশলাই জ্বালান সমীরণ। সিগারেট ধরিয়ে সাইড টেবিল থেকে অ্যাশট্রে বুকে টানল। মায়বী ঘরে আঙনের ফুলকি লাল হয়ে উঠছে। আবার কেটে যাচ্ছে ছাই হয়ে।

সমীরণের লোমশ বুকে হাত বোলাল উর্মি, তুমি যে আমাদের জন্য আরেকটা গাড়ি কিনবে বলছিলেন, তার কী হল?

—কিনব। তাড়া কীসের?
—দূর, দুপুরের দিকে মার্কেটিং-এ গেলে আমার খুব অসুবিধে হয়। ফেরার সময়ে বিকেলে ট্যাঙ্কি পাওয়া যায় না। টুবলুও বড় হচ্ছে, ওরও কি আর স্কুলবাসে যেতে ভাল লাগে?

—ছেলেকে জড়াছ কেন? বলো না, তোমার শখ। উর্মির চুলে আঁতুল চালান সমীরণ।
উর্মির ভাল লাগছিল। টুকরো টুকরো সুখের মুহুর্ত তো এগুলোই। এ ছাড়া মানুষ বাচে কী করে। সুখী বেড়ালের মতো আদরটা খানিকক্ষণ উপভোগ করল উর্মি।

তখনই কথাটা মনে পড়ে গেল। লঘু গলায় বলল, তোমার সেই মেয়ে ক্লয়েট সঙ্কেবেলা এসেছিল তোমার খোঁজে। কাল দুপুরে কোঠে যেতে বলে দিয়েছি।

সমীরণ বোধ হয় একটু অন্যমনস্ক ছিল। আলোগোছে প্রশ্ন করল, কে? রিয়া?
—নাম তো জিজ্ঞেস করিনি। উর্মির স্বরে কৌতুক, রিয়াটা আবার কে?

অন্ধকারে হেসে উঠল সমীরণ, রিয়ার নাম শোননি? ফেমাস রিয়া। মিস রিয়া। আরে সেই যে লিডো বারে গান গাইত। রেপড হল।

আশ্চর্য! খবরটা তো আজই কাগজে পড়ছিল উর্মি। আর বিকেলে সেই মেয়েই এসেছিল! সমীরণ তারই কেস করছে।

উর্মি বিভ্রিড করে বলল, ওই মেয়েটাই তবে রিয়া।

—ইয়েস। সমীরণ এখন আর হাসছে না, রিয়া কি একাই এসেছিল? নাকি সঙ্গে গাদাবোটাও ছিল?

—কে জানে কী বোটা। তবে সঙ্গে সঙ্গে একটা লোক ছিল।
---শুকুরে মতো? শ্যাপি?
হা। আদপুডো।
ও তা হলে শ্যাপি। পোকটা মিস রিয়ার পাম।

উর্মি ঘরের আলো জ্বালান, কী হয়েছে রে তোরা? শরীর খারাপ?
টুবলু নিরুত্তর। আড়াআড়ি হাতে চোখ ঢাকল।

কাছে এসে ছেলের কপালে হাত রাখল উর্মি। নাহ, ঠিকই তো আছে।
উর্মি ছেলের গায়ে হাত বোলাল, স্যারের টাক্স করে রাখিসনি বুঝি? বকুনি খেয়েছিস?

টুবলু ঝটকা দিয়ে সরিয়ে দিল মার হাত, ডিস্টার্ব কোরো না। আমাকে এখন একা থাকতে দাও।
উর্মি হেসে ফেলল। ছেলে বড় হয়ে যাচ্ছে বলে হঠাৎ হঠাৎ বুক চিনচিন করে বটে, আবার দশ বছরের ছেলের মুখে প্রাজ্ঞ প্রাজ্ঞ কথা শুনতে ভালও লাগে।

ছেলেকে খেপানোর জন্য উর্মি বলল, তার মানে স্কুলে আজ বাড খেয়েছিস।
—মোটেই না।

—তা হলে টুবলুকুমার ভাবলোকাস্ত হয়ে শুয়ে আছে কেন?
—আমার মন ভাল নেই। আই হ্যাভ লস্ট দ্য ম্যাচ।

—এই ব্যাপার? উর্মি হেসে উঠেছে খিলখিল, দূর বোক, খেলাতে তো হারজিত থাকেই।
—মে বি। কিন্তু আমি কেন লুজিং সাইড হব?

—বারে, কেউ না কেউ তো হারার সাইডে থাকবেই।
—যে খুশি থাকুক। আমার হারতে ভাল লাগে না।

অবিকল সমীরণের স্বর। মামলায় পছন্দসই রায় না পেলে বাড়ি ফিরে এ ভাবেই শুয়ে থাকত সমীরণ। এ ভাবেই কথা বলত। বাপের ধাত পেয়েছে ছেলে। ভাবতে ভাল লাগছিল উর্মির।

তিন

সমীরণ ফিরল রাত এগারোটীর পর।
পৃথিবী প্রায় নিরুমা। নতুন গড়ে ওঠা এই অভিজাত অঞ্চলে রাত্রি বড় তাড়াতাড়ি নেমে আসে।

নাগরিক সভ্যতা এখানে ভীষণ রকমের নির্জন।
ভি সি অর চালিয়ে একটা নাচগানের ছবি দেখাচ্ছিল উর্মি।

শুনশুন গানের কলি ভাঁজতে ভাঁজতে দোতলায় উঠে এল সমীরণ, কী ব্যাপার, তুমি এখনও শোওনি?
উর্মি হাসল, কবে এ সময়ে শুই মশাই? তুমি কতায় চেয়ার থেকে ওঠো খেয়াল আছে?

—তার মানে আমি আজ আর্লি। বাহ।
কথাবার্তার ধরনেই বোঝা যায় একটু টিপসি আছে সমীরণ। মাদ সে কখনওই খুব বেশি খায় না।

বাড়িতে থাকলে মেশে এক পেগ। শোওয়ার আগে। স্বাস্থ্যপান। পার্টিফার্মিতে গেলে তিন, মেরে কেটে চার। মাতাল হয় না, তবে এ সব দিনে সমীরণের মেজাজ বেশ ফুরফুরে থাকে।

সোফায় বসে জুতো খুলছে সমীরণ, টুবলু ঘুমিয়েছে?
—কখন। এতক্ষণে বোধ হয় স্বপ্ন দেখা শুরু হয়ে গেল। উর্মি পাশে এসে বসল।

—চলো, আমরাও আজ শুয়ে পড়ি।
—এত তাড়াতাড়ি তোমার ঘুম আসবে? রাত বারোটীর আগে তো বিছানাতে যাও না কোনওদিন।

—আজ রুটিন ব্রেক। উর্মিকে আলগা জড়িয়ে ধরল সমীরণ। মণ্টু-ধনঞ্জয় এ সময়ে দোতলায় ওঠে না, ছেলেও ঘুমোচ্ছে, একটু উদ্দাম হতে এখন বাধা নেই স্বামী-স্ত্রীর।

সমীরণ আলতো চুমু খেল উর্মির ঘাড়ে, চলো চলো। ঘুম না এলেও, ঘুমের চেষ্টা করতে দোষ কী।
ইঙ্গিতটা বুঝে মুচকি হাসল উর্মি। পেটে ভরল পড়লে কামক্ষুধা চাগাড় দেয় সমীরণের। উর্মিও তার

জন্য প্রস্তুত। তবু একটু মজা করতে হচ্ছে হল তার। বলল, যাও, তুমি গিয়ে শুয়ে পড়ে। আমি সিনেমাটা শেষ করে আসছি।

বাপ করে উঠে টিভি ভি সি আরের সুইচ অফ করে দিল সমীরণ। হালকা শমকেশ সুরে বলল, চপো বলছি। আমরাও এন্টার্টন তোমাকে চাই।

উর্মি...

বিশ্বায়ের মাঝেও কুলকুল হেসে উঠল উর্মি। পর্যগ্রিশ বছরের দেহে অষ্টাদশীর কম্বোল। হাসতে হাসতে বলল, মিস রিয়ার আবার স্বামী কী গো—

—ও লাইনে ওরকমই হয়। নামের আলো মিস না থাকলে বার হোটলে গানের আসর জমে না।

উর্মি চিত হয়ে শুল, স্বামী হোক আর যেই হোক, লোকটা কিন্তু সুবিধের নয়। কী বিক্রী ভঙ্গিতে কথা বলে।

সমীরণ মুহুর্তে টান টান, তোমার সঙ্গে মিসাবিহেত্ব করেছে নাকি?

—না না, আমার সঙ্গে নয়। মেয়েটার সঙ্গেই খুব খারাপভাবে কথা বলছিল। দুজনের ঝগড়া লেগে গিয়েছিল প্রায়। এ ওকে কীট বলে। ও একে বেইমান।

—কেন?

—মনে হয় লোকটা চায় না রিয়া হাইকোর্টে যাক।

—সে তো চাইবেই না। যা হাড়বজ্জাত লোক। একেবারে প্যারাসাইট। হাইকোর্টে আবার কেস চললে রিয়ার পশার যদি মার খায়। সমীরণ শেষ টান দিল সিগারেটে, তবে ও ব্যাটার কিছু করার নেই।

কেস তো রিয়ার সঙ্গে নয়, কেস গভর্নমেন্টের সঙ্গে।

—স্টেটের কেসে তুমি এলে কী করে?

—রিয়া আমাকে স্পেশালি অ্যাপয়েন্ট করেছে। আই শ্যাল বি কনটেস্টিং দা কেস অ্যালগু উইথ স্টেট। সিগারেট নিবিয়ে অ্যাপয়েন্ট সাইড টেবিলে রাখল সমীরণ। উর্মির বুকে হাত রেখে বলল, লোকটার রিয়ার ওপর চটার যথেষ্ট কারণ আছে। গভর্নমেন্ট হয়তো যেত না হাইকোর্টে, নেহাত কেসটা এত সেন্সেশনাল হয়ে গেল। মেয়েটাও ওপরমহলে গিয়ে খুব ধরাধরি করেছে। বলতে পারো এই রিয়ার জন্যই...

—তাই! মেয়েটার তা হলে চরিত্রের জোর আছে বলা! আত্মসন্মান বোধ আছে।

—চরিত্রের জোর। রিয়ার চরিত্র! হাঃ হাঃ! তুমি তো আজ শুধু লিগাল হাজব্যাডকে দেখেছ, মেয়েটার মোট কটা স্বামী জানো? এখন যে বারে গান গায়, সে বারের মালিকও তো একটা স্বামী।

আরও কতদিকে কত ছড়ানো আছে...

সেকেন্ডের জন্য মেয়েটার মুখ মনে পড়ল উর্মির। শুকনো। দুঃখী। প্রসাধনে ঢাকা। চোখের তলায় গাঢ় কালি।

উর্মি সন্দ্বিগ্ন স্বরে বলল, মেয়েটা নষ্ট?

—গোদা বাংলায় তাই তো বলে।

—তুমি শিওর?

—হ্যাঁওর বাবা হ্যাঁ। রিয়া যে একটা থার্ড গ্রেড প্রস্টিটিউট, এ কথা বিশ্বস্ত সবাই জানে।

উর্মি অল্পক্ষণ কী যেন ভাবল। পায়ের কাছে চাদর ভাঁজ করা আছে, টেলে কিছুটা তাকল নিজেকে। সমীরণকেও। নিচু স্বরে বলল, জেনেশুনে তুমি এই কেস তবে নিলে কেন?

—নিলাম। মেয়েটা একজনের রেফারেন্সে এসে ধরে পড়ল। আমিও দেখলাম ইটস আ জেনুইন কজ টু ফাইট। সমীরণের স্বরে দিবি নির্বিকারভাবে, মেয়েটা তো সত্যিই রেপড হয়েছিল। জাস্টিস তো মেয়েটার প্রাপ্যই।

—ওই মেয়ের আবার ধর্ষণ কী? টাকা দিলেই যার তার সঙ্গে শুয়ে পড়ে...

—নিশ্চয়ই শোয়। কিন্তু নিজের ইচ্ছেয়। তুমি তাকে তা বলে জোর করতে পারো না। টাকা দিয়েও না। ইভন আ প্রস্টিটিউট হাজ দা রাইট টু রিফিউজ। ইন ফ্যাক্ট সেটাই ঘটেছিল। ছেলেগুলো টাকা নাচানো সত্ত্বেও রিয়া ওদের প্রস্তাবে রাজি হয়নি। তখনই ছেলে দুটো গাড়ি থামিয়ে, পার্ক সার্কাস ময়দানের অন্ধকারে নিয়ে গিয়ে...। মেয়েটা অবশ্য সামান্য ড্রাক ছিল। তবে দ্যাট ডাজনট ম্যাটার। ফোর্সিবল সহবাস ইজ রেপ। ছেলেদুটোর তো শাস্তি হওয়াই উচিত। আইইউটেনেস রয়েছে, মেডিকেল টেস্টে প্রমাণিত হয়েছে, বাছাধনরা পালানো কোথায়?

উর্মির কৌতুহল বাড়ছিল। এরকমও হয়!

এগণক সঙ্গে বলল, পোয়াপ কোর্টে হ'লে ছেলে দুটো ছাড়া পায় কী করে!

—ওই চরিত্র ব্যাপারটা নিয়েই কোর্টে বেশি টানটানি হয়েছিল, তাই। ডিফেন্স বলে মেয়েটার ক্যারেক্টার খারাপ ছিল। পাবলিক প্রসিকিউটর বলে মেয়েটা নিকলক গৃহস্থ। বাস, ওই খারাপ ভালর প্যাঁচে পড়েই কেস গেল কেঁচে। আমি অবশ্য এখনও লোয়ার কোর্টের জাজমেন্টটা ডিটেলে পড়িনি। পড়লে হয়তো কেসের লুপহোলগুলো আরও নিখুঁতভাবে ধরা যাবে।

—তোমার কী মনে হয়? কেসটা জিততে পারবে?

—খাটতে হবে খুব। আইন টাই!

উর্মি এবার ফস করে একটা অন্য প্রশ্ন করে বসল, মেয়েটার হাল তো খুব ভাল বলে মনে হল না। ও তোমার ফি-টি দিতে পারবে?

—আমি তো ফি নিচ্ছি না। শুধু ওই কোর্টের খরচা...টাইপ ফাইপ...

উর্মি খুশি হল খুব। তবে একটা ঠাট্টা জুড়তেও ছাড়ল না, হঠাৎ এত দয়া? মেয়ে বলে?

—উঁহু। অসহায় মেয়ে বলে। আমি কেসটা টেকআপ করেছি অ্যাজ আ সোশ্যাল সার্ভিস। মেয়েটা যদি জাস্টিস পায়, সেটাই হবে আমার পারিশ্রমিক। কী, কাজটা খারাপ করেছে?

উর্মি উত্তর দিল না। স্বামীর বুকে মুখ ঘষল। আহ, হৃদয় ভরে যাক্ষে উর্মির। কত অকিঞ্চিৎকর মেয়ে ওই রিয়া, জীবনটাও তার খুব পরিশ্রম নয়, তবু তার জন্যও সহানুভূতির কপাট খোলা আছে সমীরণের। এখনও এই ব্যস্ত সময়েও। কে বলে সমীরণ সেন চশমখোর আইনজীবী! যত সব নিশ্চদের কথা! উর্মির স্বামীর মতো স্বামী কটা আছে দুনিয়ায়!

সমীরণ কখন যুঁয়িয়ে পড়েছে। অনেক রাত অবধি জেগে রইল উর্মি। বার বার মেয়েটার মুখ মনে পড়ছিল তার। হালকা তন্দ্রায় উর্মি স্বপ্নও দেখল। রোজই দেখে। সবুজ বাগান, মনোরম দোলনা, বিরাধিরে নদী, এ সব। আজ স্বপ্নটা একটু অন্য রকম। হায়না, শিশু, জঙ্গল কত কী এল স্বপ্নে। বিক্রী। নিষ্ঠুর। ভারী অতুত।

এক-দুদিন স্বপ্নটা মনে রইল উর্মির। তারপর কখন যেন ভুলেও গেল।

উর্মি সুখী। উর্মি নিশ্চিন্ত।

চার

কয়েক মাস কেটে গেল।

শীত এবার জাঁকিয়ে এসেছিল কলকাতায়, হাড় কাঁপিয়ে চলেও গেল। গোটা শীতকালটা মরশুমি ফুলে ছেয়ে রইল উর্মির বাগান। প্রকাণ্ড ডালিয়া, রংবাহার জিনিয়া, পবিত্র চন্দ্রমল্লিকা। তাদের দেখে দেখেই নয়ন ভরে গেল উর্মির। মাঘ মাসের মাঝামাঝি ঠাণ্ডা আচমকা কমে গিয়েছিল, কদিন নিম্ন চাপের বৃষ্টি ঝরিয়ে ফিরে এল হিমেল হাওয়া। সমীরণ টুবলু দুজনেই কাঁচ, পাল্লা দিয়ে কাশছে। ষণ্ড ষণ্ড ষণ্ড। উর্মির কদিন ভারী চিন্তা গেল। ফাল্গুন মাস পড়তেই বাতাস রূপ বদলেছে, আবার সব আগের মতো।

সমীরণের ব্যস্ততা বেড়েছে আরও। টুবলু গৈথে যায় কম্পিউটারের খেলায়। তা থাক, উর্মিই বা কী এমন খারাপ আছে! একটা ফুটফুটে লাল মারুতি এসেছে বাড়িতে, তাতে চড়ে বেড়াও যত খুশি। সিনেমা। মার্কেটিং। বিডিটি পার্লার। এর বাড়ি। তার বাড়ি। ক্লাব। লোভিজ সার্কল। কিছু না থাকলে অলস হাত পা ছড়িয়ে ঘরে শুয়ে থাকা। একটি মেয়ে সপ্তাহে তিন দিন শরীর দলাইলাই করে দিয়ে যায় উর্মির। সে সময়ে উর্মি বিদেশি ম্যাগাজিনের পাতা উলটে সুন্দর সুন্দর ছবি দেখে। সোনালি সমুদ্রতট। পাহাড়ে সূর্যাস্ত। নীল আলোমাখা মায়াময় ভোর।

প্রকৃতিও রুটিন মতো সাজছে নতুন নতুন সাজে। বাতাস শীতল থেকে মধুর হল। মধুর থেকে তপ্ত। তা তাতেই বা উর্মির কী এল গেল! ড্রয়িং ডাইনিং স্পেসটাও এ বছর শীতাতপ নিয়ন্ত্রিত করে নিয়েছে সমীরণ। দুটো গাড়িতেই এটি মেশিন।

একদিন নিকেলে বাসে গাড়ি গেল উর্মি। প্রায়ই যায়, কিন্তু আজকের যাওয়াটা একটু অন্য রকম। নতুন গাংলা বছর আসছে, এ সময়ে গাংলা মাকে কিছু দিতেও হয়। নিয়ম নয়, উর্মি তৃপ্ত পায় দিয়ে।

বাপের বাড়ি এসে কাঁপি খুলে বলল উর্মি। বাবার জন্য মিহি আঙ্গুরি পাঞ্জাবি কিনেছে, মায়ের জন্য সাদা জামির ব্যাগালোর সিদ্ধ। দাদার ছেলের মেয়ের জন্যও জামাকাপড় এনেছে। হাল ফ্যাশানের। চটকদার।

উর্মি এ বাড়ি এলেই খুশির প্লাবন বয়ে যায়। বাবা এক কালের অধ্যাপক মানুষ, এখনও লেখাপড়া নিয়েই থাকেন। অপ্রস্তুত মুখে তিনি বললেন, এটা আবার আনতে গেলি কেন? এই বয়সে কি আর এত মিহি পাঞ্জাবি মানায়!

মা বলল, এখন আর তেমন কোথায় বেগাই রে? এত দামি শাড়ি নিয়ে কী করব!

উর্মি ছদ্ম ধমক দিল দুজনকেই, কোনও কথা নয়। যা কিনে এনেছি, তা তোমাদের পরতেই হবে। এফুনি।

তো ধনী মেয়েকে বাবা মা-ও সমীহ করে। সেজেগুজে সঙের মতো দাঁড়াল দুজনে। এটা সেটা কথার মাঝে সমীরণের কথাও উঠে পড়ল বাবর।

বউদি গদগদ স্বরে বলল, সমীরণের তো আজকাল খুব নাম দেখছি কাগজে!

বাবা বলল, সামনের বাড়ির তুলসীবাবু দেখা হলোই বলেন, আপনার জামাই তো মশাই এখন পাবলিক ফিগার।

মা বলল, রিয়া মেয়েটার জন্য কী লড়াই না লড়াই হলেটা!

আগেও বলেছে, আজও বলল উর্মি—এই কেসটার জন্য ও কিন্তু কোনও টাকা নিচ্ছে না বাবা। শুধু একটা অন্যান্য হয়েছে বলে লড়ে যাচ্ছে তোমার জামাই।

বাবা হাসছে মিষ্টিমিষ্টি, তোর জন্য আমি ছেলে পছন্দ করতে তুল করিনি, কী বল? টাকা তো অনেকেই কামায়, অমন মন থাকে কজনের!

উর্মি স্তম্ভিতকু প্রসাধনের মতো মেখে নিল গায়ের।

হাসিমুখে বলল, এখন ভালয় ভালয় কেসটা জিতলে হয়। বিশ্বাস করবে না, এই কেসের জন্য রাত জেগে কত পড়াশুনো করছে ও। জুনিয়াররা লাইব্রেরি খেঁটে খেঁটে বই আনছে, আর তোমাদের জামাই খুঁটে খুঁটে পয়েন্টস জোগাড় করছে। কত শত কেস যে ঘাঁটা হয়ে গেল।

—তুমি কিছু ভেবে না। সমীরণ এই কেস নিশ্চয়ই জিতবে। চারদিকে ধন্য ধন্য পড়ে যাবে।

আহা! তাই যেন হয়।

ভরা বৃকে বাড়ি ফিরছে উর্মি। হঠাৎ রাস্তার একদিকে চোখ পড়ে গেল। হাতিবাগানের ফুটপাতে গিজগিজে চৈর সেলের ভিড়, তার মধ্যে একটু ফাঁকায় ওই মেয়েটা কে!

উর্মি গাড়ি থামাল। কাচ নামাল। হুঁ, রিয়াই। রিয়া!

রিয়াও দেখেছে উর্মিকে। দ্বিধাঘিট চোখে তাকাচ্ছে।

ড্রাইভারকে দিয়ে রিয়াকে ডাকল উর্মি। অবলীলায় তুমিতে নেমে এল, চিনতে পারছ?

রিয়া ঘাড় নাড়ল, আপনি তো স্যারের মিসেস!

—মনে আছে?

—থাকবে না!

উর্মির তখনই মনে পড়ল মেয়েটা সেই যে একবার এসে ফিরে গিয়েছিল, তার পর আর কখনও সন্টলেকের বাড়িতে আসেনি।

আলগাভাবে উর্মি বলল, তুমি আর আমাদের ওখানে আস না তো?

রিয়া হাসল আলতো। উত্তর দিল না।

—তোমার বাড়ি কি এ দিকে?

—এই তো কাছেই। বাগমারি।

—তুমি কি বাড়ি ফিরবে? আমি তোমাকে এগিয়ে দিতে পারি।

অল্প ইতস্তত করে গাড়িতে উঠে পড়ল রিয়া। শেষ বিকেলে দিনের তাপ কমেছে খানিকটা, শুধু

কাচটা তুলে নিল উর্মি। এসিটা চলুক।

গাড়ি চলছে। মোড়ের মাথায় উদয়গ জামে, শিশুসেপে গতিহের গোগোচ্ছে গাড়ি।

আলসামাখা কৌতুহল নিয়ে উর্মি দেখছিল মেয়েটাকে। রিয়া শাড়ি পরেছে আজ। সিঙ্গেটিক। ঘাড়ের ওপর চুল চূড়ো করে বাঁধা। তেমন মেকআপও নেই। প্রসাধনবিহীন মুখটা বেশ টলটলে লাগছে।

উর্মি কথা শুরু করল, তুমি তো ভাল গান কর, তাই না?

—ওই এক রকম। রিয়া মৃদু হাসল, কে আর আমার গান শোনে!

—কেন? কত লোকে শোনে...

—নাআ ম্যাডাম। বার হোটেলের কে আর গান শুনতে যায়!

উর্মি একটু চুপ থেকে বলল, তুমি কি গান শিখেছিলে?

—আমার বাবা ক্লাসিক্যাল সিঙ্গার ছিলেন। তেমন নামী নয়, তবে তাঁরও কিছু ছাত্রছাত্রী ছিল। সে দিন আমার সঙ্গে যাকে দেখলেন, সেও তো আমার বাবার ছাত্র।

—তোমার স্বামী?

—হাঁ। স্বামী। সুরত। বলেই রিয়া যুরে বসেছে উর্মির দিকে, আপনার সামনে আমরা সে দিন বিশ্রী বগড়া করে ফেলেছিলাম।

উর্মি কিছু বলল না।

—আমার পরে খুব খারাপ লেগেছিল। রিয়া সামান্য উদাস, কী করব, ওটাই যে অভ্যাস হয়ে গেছে।

লোকটার চেহারা মনে পড়ল উর্মির। দফাটে অপরিচ্ছন্ন। বুড়ো বুড়ো। ফস করে প্রশ্ন করে ফেলল, অনেকটা সমাজ্যীর ভঙ্গিতে, তোমার স্বামী করেন কী?

—কেন, আপনি জানেন না ম্যাডাম? স্যারের মুখে শোনেননি?

—রোজগারপাতি ভাল নয় শুনছি।

রিয়ার চেয়াল মুহূর্তে কঠিন, ভাল নয় কথাটা ভুল। কিস্যু করে না। ঘর থেকে একদিন ডাঙিয়ে এনেছিল, এখনও ডাঙিয়ে ডাঙিয়েই থাকছে। গিলছেও বলতে পারেন। চেহারটা দেখেননি? মরকুটে বিরকুটে। কে বলবে আমার থেকে মাত্র আট বছরের বড়! বোতল টেনে টেনে ওই হাল।

কী কাঠ কাঠ কথা রে বাবা! উর্মি শিহরিত হচ্ছিল। মুখের রাখচাকও নেই। শুনলেই কেমন কান কাঁঝ করে।

উর্মিও একটু টেরিয়া হল, ড্রিঙ্ক তো তুমিও করো। করো না?

রিয়া ঈষৎ চমকাল যেন। কাঁঝালো মুখ মিইয়ে গেল সামান্য।

বলল, করি। স্ট্রেন হয়, সেই জন্য করি। জোর করে অভ্যাসটা ধরিয়ে দিয়েছে বলে করি।

—কে ধরিয়েছে? স্বামী?

—শুধু স্বামী কেন, যাদের সঙ্গে ওঠাবসা তাদের ইচ্ছেটাও তো মানতে হয়। তবে অন্যের রোজগার ডাঙিয়ে খাই না, নিজে আর্ন করে খাই। আমার খাওয়ার সঙ্গে সুরতর খাওয়ার তুলনা! সুরতর লিভারের ট্রিটমেন্ট করাতে প্রতি মাসে আমার কত খরচ হয় জানেন? তার ওপর বাবুর কত ফর্পিশনেস। দামি জামা চাই। দামি জুতো চাই। এখন অবশ্য আল্লাদ সব ঘুচিয়ে দিয়েছি।

এত কথা বলছে কেন রিয়া! প্রায় অচেনা উর্মির কাছে! উর্মি তার ল-ইয়ারের বউ, তাই? নাকি সমীরণ বিনা পয়সায় কেস করে দিচ্ছে বলে গাওনা গাইছে?

উর্মি রুক্ষ হল সামান্য, স্বামী যখন ওইরকম, তখন তার সঙ্গে তোমার থাকার দরকারটা কী? তুমি স্বামীন, তোমার স্বামীন রোজগার আছে—

রিয়া বড় করে একটা নিশ্বাস নিল, ছেড়েই তো দিতাম। কিন্তু ওই যে, মেয়েমানুষ হওয়ার জ্বালা! প্রকৃতি আগেই ঘা মেরে রেখেছে।

উর্মি ঠিক ঠকতে পারল না কথাটা। বলল, মানে?

... মানে একটাই। সন্তান। মেয়ে।

তোমার মেয়ে আছে নাকি?

দশ বছর শরে সংসার কপাট, ছেলেমেয়ে থাকবে না ম্যাডাম! মেয়ের ওনাই তো হাতিবাগানে

এসেছিলো। জামা কিনতে। সেই মেয়ে আবার বাবার খুব ন্যাওটা। মিস রিয়াও মা! সস্তানের জন্য জামা কেনে! উর্মি তার সুখী চিন্তা দিয়ে মেলাতে পারছিল না ব্যাপারটা।

খানিকটা গার্জনি চণ্ডে বলল, যতই ন্যাওটা হোক, মেয়ের কথা ভেবেই তো তোমার তাকে নিয়ে আলাদা হয়ে যাওয়া উচিত।

—কী যে বলেন! কেনম করে যেন হাসল রিয়া, মেয়েরা স্বধীন হোক, কি না হোক, বাঁচতে গেলে তাদের চিরকালই একটা ঢাল লাগে। তা সে স্বামীই হোক, বাপই হোক, ছেলেই হোক বা হাফ স্বামী। আমরা মা মেয়ে যদি আলাদা বাসা ভাড়া করি, সেখানে যে মোছুর লেগে যাবে। এখন তো তাও ক্লায়েন্টদের সঙ্গে রিলেশান, তখন কতজন যে ফ্রি রাইট চাইবে। মাঝখান থেকে মেয়েটাও... —এখনই বা তোমার মেয়ে ভাল শিক্ষাটা কী পাচ্ছে? উর্মি ঝাঁপিয়ে উঠল।

—সে তার কপাল। আমি কেন তাকে আরও খারাপ দিকে ঠেলব! তার পড়াশুনার বন্দোবস্ত করেছি, এর পর সে কী হবে, সেটা তার ব্যাপার। আমার বাবা তো প্রায় সাধুসন্ত মানুষ ছিলেন, তা বলে আমার জীবন কি সাধুসন্তর মতো হয়েছে? তাও তো আমি তার মতো শুধু জন্ম দিয়ে কতবা সারিনি। অনেকক্ষণ ধরে উর্মি যে কথাটা বলবে বলবে করছিল, সেটাই এবার বেরিয়ে এল মুখ থেকে, তোমার মুখে তো কিছুই আটকায় না দেখছি!

—আটকাবে কী করে! আমরা তো আর পাঁচটা মেয়ের মতো ঘেরাটোপের মধ্যে থাকতে পাইনি! বাবার আড়াল, স্বামীর আড়াল, তাইয়ের আড়াল, ও সব আমাদের কোথায়! খোলামেলা আছি, খোলামেলা কথা বলে ফেলি। আপনি কি রাগ করছেন ম্যাডাম?

উর্মি কেনম নিষিদ্ধ উত্তেজনার স্বাদ পাচ্ছিল। বলল, না না, বলো বনো। রিয়া চলন্ত গাড়ির বাইরেটা দেখার চেষ্টা করছে। কালো কাচের ওপারে সাঁঝবোলা আঁধার হয়ে গেছে, কিছুই স্পষ্ট দেখা যায় না। একটা সরকারি বাস খারাপ হয়েছে সামনে, গাড়ি একেবারে অনড়। উর্মির ড্রাইভার একবার অর্ধদর্ঘভাবে রাস্তা দেখছে, একবার পিছনের মেমসাহেবকে।

রিয়া সিটে শরীর ছেড়ে দিল, আমি মাঝে মাঝে একটা কথা ভাবি ম্যাডাম। সুখী গৃহবধু হয়েই বা কী লাভ হত! সারাদিনের পরিশ্রমের বিনিময়ে দুটো ভাত পেতাম। নয়তো রাতে কারও ইচ্ছাপূরণের বিনিময়ে। এ জীবনের সঙ্গে তার কী বা তফাত! একটাতে সমাজের সায় আছে, আরেকটাতে সায় নেই। নেইই বা বলি কী করে! যারা আমাদের নিয়ে আমোদ আহ্লাদ করতে চায়, তারাও তো এই সমাজেরই লোক। কারও দাদা। কারও ভাই। কারও বাবা।

উর্মির বাকবোধ হয়ে যাচ্ছিল। মেয়েটার স্পর্শ তো কম নয়! ভদ্র মেয়েদের দিকে অশালীন ইস্তিক করছে। এফুনি ঘাড় ধরে নামিয়ে দেবে গাড়ি থেকে।

কথা বলতে গিয়ে উত্তেজনায় উর্মির গলা কেঁপে গেল, প্রেম ভালবাসা কাকে বলে তুমি বোঝ? স্বামীর কত ভালবাসতেও পারে স্ত্রীকে, তা জানো?

—জানি ম্যাডাম। বুঝতেও পারি। রিয়া চোখ বুজেছে আচমকা, ওই যে লোকটাকে এতক্ষণ গালাগাল দিলাম, আমার স্বামী, আমি ছেড়ে দিলে ও মনের দুঃখে মরেই যাবে। উপায় ছিল না, লোভও ছিল, তাই এক সময়ে আমাকে প্রায় জোর করেই...। আর এখন সেই যন্ত্রণাতেই আরও বেশি মদ গেলো। এই যে লোকটার আমার ওপর জোর ফলানোর আজ আর সহ্য নেই, আমি এত হ্যাঁকথু করি, তাও আমার পিছন পিছন লু লু করে ঘুরে বেড়ায়, একে কি আপনি প্রেম বলবেন না ম্যাডাম?

উর্মির শীত শীত করছিল। বৃকের ভেতরে, অনেক ভেতরে ছোট্ট মতো কী যেন একটা কাঁপছে। রিয়া বিড় বিড় করে বলল, এই যে আমি কেসটা লড়ছি, এত স্ক্যান্ডেল হল আমাদের নিয়ে, এই যে কোর্টে আমাদের এত নোংরা নোংরা জেরা করা হয়েছে, বলতে পারেন আরও নাস্তা করে দেওয়া হল আমরা, এটাই বা আমার স্বামী সহ্য করতে পারল কই! রেগে গিয়ে গালাগাল করে আমাদের। আবার কাঁদেও মাঝে মাঝে। এও তো সত্যি ম্যাডাম।

উর্মি অক্ষুটে বলল, তার পরও তুমি কেসটা চালিয়ে যেতে চাইলে?

—না চাইলে যে নিজের কাছেই নিজে ছোট্ট হয়ে যেতাম ম্যাডাম। জানেন, যারা আমার ওপর

অত্যাচার করেছিল তারা কে? আমার একদম ছোটবেলার বন্ধু। আমরা একসঙ্গে বড় হয়েছি, হাত ধরে নেচেছি, পাড়ার ফাংশানে একসঙ্গে গান গেয়েছি...। ওরাও আমাকে মেয়েমানুষ ভেবে ফেলল! মেয়ে হয়ে জন্মানোর কি একটাই মানে ম্যাডাম? একটা মাংসের তাল? কোনও অনাঙ্কীয় পুরুষের সঙ্গে তার অন্য কোনও সম্পর্ক গড়ে উঠতে পারবে না? যদি তাই হয়, তবে আমি ওদের নরকেই পাঠাতে চাই। গাড়ি এগোচ্ছে। গতি বাড়ল। মেয়েটা নেমে গেল নিজের জায়গায়। এক সময়ে পথও ফুরোল।

নীড়ে ফিরে এসেছে উর্মি।

ড্রাইভার দরজা খুলে ডাকল, মেমসাভ।

উর্মির নামতে ইচ্ছে করছিল না গাড়ি থেকে। বসে আছে চোখ বুজে।

ড্রাইভার আবার ডাকল, মেমসাভ। আমরা এসে গেছি।

পাঁচ

পাঁচ জমে উঠেছে।

উর্মির গোট্টা দোতলা জুড়ে সুরার বান ডেকেছে আজ। হুইস্কি জিন ভদকা রাম শেরি শ্যাম্পেন টলটল করছে স্বচ্ছ পানপাত্রে। নেতি ব্লু রঙের বালুচরি সিন্ধু পরেছে উর্মি, শাড়ি জুড়ে রামসীতার কাহিনী। আজকের উৎসবের মধ্যমণি সমীরণের পরনে বালিটেনের স্যুট। স্টিরিওতে নরম একটা বিদেশি বাজনা বেজে চলছে, অতিথি অভ্যাগত অনেক নারীপুরুষেরই অল্প অল্প দুলাছে পা। জ্যেষ্ঠের তাপ থমকে আছে বন্ধ জানলার গায়ে গায়ে।

সমীরণের তিন বন্ধু গ্লাস তুলে ধরল, চিয়াঁস।

ব্যারিস্টার মুখার্জি সস্তীক এসেছেন। জোরে জোরে হাত বাঁকাচ্ছেন সমীরণের, খেল দেখালে ব্রাদার। নিয়ারলি ইমপসিবল কেসটা পুরো টার্ন করিয়ে দিলে।

অ্যাডভোকেট দীপেন বসু চুকচুক শব্দ করল, ছেলে দুটোর পানিশমেন্ট একটু বেশি হয়ে গেল না! সাত বছর! দ্যাট টুটু রেপিং আ হোর!

অ্যাডভোকেট চন্দ্রশেখর মণ্ডল কালচে পানীয়ে চুমু দিল, যাই বলুন দীপেনদা, বেশ্যাকে রেপ করেছিল বলেই সমীরণ এত ফেমাস হয়ে গেল।

—আরে, সমীরণ রেপ করেছে কোথায়? করেছে তো ছেলেগুলো। হা হা হা হা।

সীমা চিকলিয়া ঝাঁপিয়ে এল কোণ্ঠেকে, বেশ্যা কেণ্যা করছেন কেন? শি ইজ আ বার সিন্সার। বার সিন্সার হলোই খারাপ মেয়ে হয় না।

—ওই হল। ওই রিয়া মেয়েটা আদতে কী?

—না, আই অবজেক্ট। আপনি বার সিন্সারদের সম্পর্কে এ ধরনের কমেণ্ট করতে পারেন না। দিস ইজ আনএথিকাল। শুধু মেয়ে বলেই...

—ডোর্ট বি সো ফেমিনিস্ট সীমা।

—এগেন আই অবজেক্ট। আমি ফেমিনিস্ট নই। আপনার ল্যাংগুয়েজের ইন্টেনশন ভাল না। তালেশোলে গণ্ডগোল বাধার জোগাড়। সমীরণই এগিয়ে এসে হাল ধরল, ওয়েল। শব্দে ব্যাপারে আমরা একটা রফা করতে পারি। আমার ক্লায়েন্টকে তো একটা মেয়েমানুষ বলা যেতেই পারে। মেয়েও বলা হচ্ছে, মানুষও বলা হচ্ছে, ইউস নট এ ডেরোগেটরি টার্ম।

সীমা হেসে ফেলল। জিনের গ্রাসে ঠোট্ট ছুঁয়ে বলল, কথার কায়দা জানেন বটে।

—কথাতই ম্যাজিক থাকে হে। শব্দই ব্রহ্ম। রজত নন্দী তুলতুলু চোখে হাসছে—আমি লাইফে সাতঘণ্টাটা রেপ কেস করলাম, এর একশো ভাগের এক ভাগও পাবলিসিটি পাইনি। বলতে বলতে সমীরণের পিঠে একটা জোর চাপড় মারল, সমীরণ, একটা কথা শুনছিলাম। কথাটা কি সত্যি?

—কী দাদা?

তুমি নাকি এই বার সিন্সারের কেসটা বিনা পয়সায় করে দিয়েছ?

সমীরণ কাছে এসে কিশকিফস করল, পিনা পয়সায় কেন দাদা! এই যে পাঁচ ছ মাস ধরে যাবার

কাগজে নাম বেরোল, সেই পাবলিসিটিটার হিসেব করল।

—ক্লায়েন্ট বাড়ছে?

—উপচোচ্ছে।

—এই মওকায় ফিজটাও তবে বাড়িয়ে নাও। আমি তো তিনটে ডাকাতকে খালাস পাইয়ে ফিজ ডবল করেছিলাম।

সমীরণ শব্দ করে হেসে উঠল, সেকি আমাকে বলতে হবে দাদা।

হাসির হিল্লোল উঠেছে চারদিকে। খুশির জোয়ার বইছে। সর্বার এক চোরা শ্রোতও বইছে যেন।

উর্মি দেখছিল। উর্মি শুনছিল। পিন পিন করে কাঁটা ফুটছিল বুকে। একরাশ ধূত মানুষের মাঝে

নিজেকে বড় ভোঁতা ভোঁতা ঠেকছিল উর্মির। তবু হাসি ধরে রাখতে হয় ঠোঁটে। তবু বরণ করতে হয়

স্বামীর অতিথিদের। লাস্যে বিভস্পে মোহিত করতে হয় সকলকে। নিয়ম।

পাটি ভাঙল সাড়ে এগারোটায়।

টুবলু ঘুমিয়েছে কিছু আগে, মটু ধনঞ্জয়রা পোতলা সাফসুতরো করে এই মাত্র নামে গেল।

সাজ বদলাচ্ছিল উর্মি। রামসীতাকে পরিপাটি ভাঁজ করে তুলে রাখল ওয়াড্রোবে। সমীরণও সুটে

ছেড়ে পাজমা পাঞ্জাবি পরে নিয়েছে। তার আজ ক্লাস্তি নেই, নেশা নেশা চোখে সিগারেট টানছে

বিছনায় শুয়ে। লম্বা হাই তুলে বলল, এসিটা একটু জোর করে দাও তো।

উর্মি ঘরটাকে আরও হিমেল করে বিছনায় এল, তোমাকে একটা কথা বলা হয়নি।

—কী কথা?

—আজ দুপুরে তোমার ক্লায়েন্ট এসেছিল।

—ক্লায়েন্ট? দুপুরে! সে আবার কে?

—যার জন্য তোমার আজ এই উৎসব। রিয়া।

সমীরণ সোজা হয়ে বসল, রিয়া এসেছিল এখানে! কেন?

—আমার সঙ্গে দেখা করতে।

—স্ট্রেঞ্জ! সমীরণ সঙ্গে সঙ্গে গোমড়া হয়ে গেছে, এই জনাই বলে মেয়েছেলেদের বিশ্বাস করতে নেই।

উর্মি যেন ইলেকট্রিক শক খেল সহসা।

—বার বার করে বলে দিয়েছিলাম এ বাড়ির ছায়া না মাড়তে! একদিন আসার সুযোগ পেয়েই

এখানে সিনক্রিয়েট করে গেছে...! কী বলল তোমায়?

—তেমন কিছু নয়। কৃতজ্ঞতা জানাল। এক বাস্তব মিষ্টি নিয়ে এসেছিল। আমাকে একটা শাড়িও দিয়ে গেছে।

—হাউ ভেয়ার শি...! তুমি ওর শাড়ি নিয়েছ?

—বাবে, তোমার ক্লায়েন্ট আমাকে গিফট দিতে পারে না! সেবারই সেই লোকটা, একটা সাড়ে চার ভরির নেকলেস দিল।

—তার সঙ্গে তুমি ওই বারোতাতারি মেয়েটার তুলনা করছ!

—তুলনা তো করিনি। উর্মি থেমেও থামল না, সে ছিল স্মাগলার, আর এ একটা বেপ্ ডিস্টিম...!

—তর্ক করো না। ও শাড়ি তুমি কালই ফেলবে দেবে।

উর্মির মুখে ছায়া নামল। মাথাটা অসম্ভব ধরে গেছে, বাথরুমে গিয়ে জন দিয়ে এল ঘাড় গলায়।

তারপর বিছনার একেবারে ধার ঘেঁষে চুপটি করে শুয়ে পড়ল।

নীল রাতবাতি জ্বলছে ঘরে। নাইটগ্যাম্প নয়, যেন চাঁদের কিরণ। যেমনটি ছিল সেই রাতে যে পিন

প্রথম উর্মিকে রিয়ার কথা বলেছিল সমীরণ। যেমনটি থাকে প্রতি রাতে সমীরণ তার উর্মিকে ধারে।

সমীরণ হঠাৎ ঝুল উর্মিকে, রাগ হয়ে গেল নাকি?

উর্মি নিরুত্তর।

—এমন রাতটা আমরা সেলিব্রেট করব না? উর্মির কাঁধ ধরে টানল সমীরণ।

—হল কী? অত মেজাজ কীসের? যোরো!

উর্মিকে এক রকম জোর করেই কাছে টেনে নিল সমীরণ। প্রবল আল্লাবে চুমু খেল। উর্মি নিজেকে হাড়ানোর চেষ্টা করতেই চেষ্টা ধরল তার দুটো হাত। মুখ দিয়ে টেনে টেনে খুলছে উর্মির রাতপোশাক।

উর্মি হিসহিসিয়ে উঠল, ভাল লাগছে না। আমাকে ছেড়ে দাও।

—বললেই হল সখি? আমার যে এফুনি তোমাকে চাই।

—আমার কোনও ইচ্ছে অনিচ্ছে নেই? তুমিই না বলেছিলে ফোর্সিবল সহবাস ইজ রেপ?

অটুহাসি হেসে উঠল সমীরণ, দারুণ বলেছ তো। এরকম একটা ম্যারিটাল রেপের কেস পেলে

রজতদার সব দুঃখ ঘুচে যেত। যা পাবলিসিটি পেত না! উল্লসিত সমীরণ একটা বরফের শরীর খেঁটে

চলেছে, কীগো একটা কেস ফাইল করবে? সেকশান থ্রি সেকেন্ডসিঞ্চ? দু বছর অবধি সাজা হয়।

অজান্তেই চোখের কোল বেয়ে জল গড়িয়ে এল উর্মির। মনে মনে বলল, আমরা কি তা পারি!

আমরা যে সব ভাল মেয়ে। রিয়াদের মতো বুকের পটা আমাদের কোথায়!

উর্মির গোপন অশ্রু দেখতে পেল না সমীরণ।